

Gwers 37 – Y Brenin ar gefn asyn

Nodiadau Cefndir i'r Athro

Mathew 21: 1–9

Yr oedd Gŵyl y Pasg yn bwysig iawn yng nghalendr yr Iddew, a thyrrai miloedd o Iddewon pybyr a duwiol o bob cwr o'r byd i Jerwsalem, eu calonnau'n llawn cyffro a chenedlaetholdeb brwd; diben yr ŵyl oedd cofio gyda diolchgarwch ryddhau'r genedl o'r Aifft o dan arweiniad Moses ac Aaron. Byddai poblogaeth Jerwsalem yn treblu yn ystod yr ŵyl, hynny yn golygu fod y presenoldeb Rhufeinig yn cael ei gynyddu, rhag ofn i selot Iddewig fanteisio ar y cyfle i gynhyrfu'r bobl a'u troi yn erbyn y gormeswr o'r Eidal.

I'r sefyllfa hon y daeth Iesu gyda'i ddisgyblion i Jerwsalem, wythnos cyn iddo gael ei groeshoelio tu allan i furiau'r ddinas. Hyd yn hyn yn ei weinidogaeth, yr oedd Iesu wedi gwrthod cydnabod ei frenhiniaeth ei hun. Yng Nghesarea yr oedd Iesu wedi gofyn i'w ddisgyblion, 'pwy meddwch chwi ydwyf fi?'. Atebodd Seimon, 'Ti yw'r Meseia, Mab y Duw byw' (Mathew 16:15–16). Yna, gorchmynnodd i'w ddisgyblion beidio â dweud wrth neb mai ef oedd y Meseia.

Ond daeth yn amser iddo ddatguddio i'r bobl pwy ydoedd mewn gwirionedd, yn bennaf er mwyn cyflawni proffwydoliaeth Sechareia. Ganrifoedd cyn geni Iesu, roedd y proffwyd wedi dweud, 'Wele dy frenin yn dod atat â buddugoliaeth a gwaredigaeth, yn ostyngedig ac yn marchogaeth ar asyn, ar ebol, llwdn asyn' (Sech. 9:9). Disgwyliai'r Iddewon yn eiddgar am ddyfodiad y Meseia, a phan welsant Iesu'n marchogaeth ar ebol asyn, na fu neb ar ei gefn o'r blaen, daeth geiriau Sechareia yn fyw o'u blaenau. Gwelodd pobl Galilea Iesu'n cyflawni gweithredoedd mawr ac yr oeddent wedi disgwyl iddo ei gyhoeddi ei hun yn Feseia, ac yn awr roedd hynny'n digwydd. Anifail ar gyfer dyn heddychlon, marsiandwr neu offeiriad oedd ebol asyn a gallai brenin ei farchogaeth ar adegau, er byddai ef yn fwy tebygol o ymddangos ar farch rhyfel. Cyfeiriodd proffwydoliaeth Sechareia at y Meseia fel Tywysog tangnefedd, ac yr oedd Iesu'n marchogaeth i'r ddinas mewn ffordd a oedd yn cyflawni'r broffwydoliaeth. Er iddynt edrych ymlaen at Feseia a fyddai'n eu harwain yn erbyn y Rhufeiniaid nid oedd gweld Iesu'n cyhoeddi ei hun fel brenin heddychlon yn lleihau dim ar eu cenedlaetholdeb brwdfrydig. Roeddent eisiau Meseia. Ac yr oeddent yn gweld un o flaen eu llygaid yn y ddinas.

Yr Wythnos Fawr



Dydd Sul: Yr ymdaith i Jerwsalem.

Dydd Llun: Clirio'r Deml.

Dydd Mawrth: Iesu yn dadlau yn y Deml gyda'r offeiriad a'r henuriaid. Gyda'r hwyr yr oedd Iesu a'i ddisgyblion ar fynydd yr Olewydd.

Dydd Iau: Iesu'n gwneud trefniadau ar gyfer bwyta'r Pasg â'i ddisgyblion. Gyda'r hwyr yr oedd Iesu a'i ddisgyblion yn yr oruwch ystafell i fwyta gwledd y Pasg. Ar y terfyn aethant allan i ardd Gethsemane ac yn ystod y nos arestiwyd Iesu a'i ddwyn ymaith i sefyll ei brawf.

Dydd Gwener: Ar ôl ei ddedfrydu i farwolaeth, arweiniwyd Iesu yn cario ei groes ei hun, i fryn Golgotha, tu allan i furiau'r ddinas.



Wyt ti'n cofio beth ddigwyddodd ar Sul y Blodau?
Mae'r asyn yn gliw i ti!

Pa liw ydy asyn? Ar ôl lliwio'r asyn, beth am
chwarae gêm 'Rhoi'r cynffon ar yr asyn'? Bydd
angen sgarff, (yn fwgwd), darn o ruban (y
cynffon) gyda blutac ar un pen.

Diolch lesu am ddod i'r byd i fod yn Frenin ein
calonnau. Amen.

Gwers 37 – Y brenin ar gefn asyn



Sul y Blodau | Beibl Newydd y Plant tud. 199

(Marc 11:1–11)

Gwers 37

Y brenin ar gefn asyn

BEIBL GWEITHGAREDD Y PLANT DAN /DROS 7 oed

Y brenin ar gefn asyn tud 156

BEIBL LLIW STORI DUW

Iesu'n mynd i Jerwsalem tud 362

BEIBL NEWYDD Y STORIWR

Yr Orymdaith Fawr tud 132

BEIBL LLIW Y PLANT

Iesu'n mynd i mewn i Jerwsalem
tud 256

BEIBL NEWYDD Y PLANT

Sul y Blodau tud 199

BEIBL BACH I BLANT

Mul Bach i'r Brenin tud 432

Y BEIBL I BLANT MEWN 365 STORIÀU

Yr Orymdaith fawr (318) tud 361

BEIBL LLIW Y TEULU

Iesu'n mynd i Jerwsalem (272)

Amser Chwarae

Rhowch gynffon i'r asyn

Defnyddiwch lun yr asyn o'r daflen waith, wedi'i chwyddo. Bydd angen cynffon arnoch, darn o blutac i'w lynu, a sgarff yn fwgwd. Gadewch i bob plentyn gael tro i osod y gynffon ar yr asyn. Ar ôl i bawb gael tro, gofynnwch i'r plant a ydynt wedi gweld asyn neu efallai wedi bod ar gefn mul ar lân y môr. Esboniwch fod ein stori wir o'r Beibl heddiw yn sôn am sut y bu Iesu Grist yn marchogaeth asyn un tro.

Amser Stori

Bydd rhaid cael amser crefft yn gyntaf, wedyn, gall y plant ddefnyddio'r hyn a grëwyd ganddynt wrth i chi adrodd yr hanes.

Adroddwch yr hanes o safbwynt un o'r bobl oedd yn y dyrfa yn dilyn Iesu a'i ddisgyblion i ddinas Jerwsalem. Meimiwch y digwyddiadau gyda'r plant. Esboniwch fod Iesu wedi danfon dau o'r disgyblion i nôl yr ebol asyn; nad oedd neb erioed wedi marchog yr asyn o'r blaen; sut y bu i'r bobl ddechrau dilyn Iesu gan weiddi, "Hosanna – mae'r Brenin yn dod!"; sut y bu i'r bobl dechrau torri canghennau i'w chwifio a gosod eu cotiau ar lawr i'r asyn droedio arnynt. Cerddwch o amgylch yr ystafell yn chwifio'r dail ac yn gweiddi "Hosanna, mae'r Brenin yn dod." Roedd y bobl mor hapus o weld Iesu, roedden nhw eisiau i Iesu fod yn Frenin arnynt oherwydd roedden yn gwybod fod Iesu yn arbennig a'i fod yn eu caru nhw.

Crefft

Llyfr Crefft, t. 135–137

Rhigwm

Mae'r plant yn ateb ac yn clapio i'r curiad, ar ôl pob brawddeg, "Ar y ffordd i Jerwsalem."

- Ble mae Iesu a'i ffrindiau yn mynd?
- Mae Iesu yn marchog asyn
- Edrychwch ar y bobl yn gweiddi "Hosanna!"
- Maen nhw'n chwifio dail ac yn taflu cotiau
- Ble mae'r Brenin Iesu'n mynd?

Cân

Cewch hyd i gân syml ar dudalen 135 o'r Llyfr Crefft

Gweddi

Gofynnwch i'r plant beth oedd y bobl yn gweiddi wrth gyfarch Iesu? Roedden nhw'n defnyddio'r gair 'Hosanna' i ganmol Iesu, am eu bod yn credu ei fod yn rhywun pwysig ac arbennig. Adroddwch weddi syml yn cynnwys y gair 'hosanna' ac annog y plant i'w hail -adrodd, e.e. 'Arglwydd Iesu, ti'n arbennig. Hosanna!'

Adnoddau Ychwanegol

Crefft

Llyfr Crefftau Stori Duw i blant dan 5 oed t. 135-137

Gwerslyfrau Golau ar y Gair

Pasg: Iesu'r Brenin

Tafleuni gwefan amserbeibl.org

Cyfres a, B a C - Y Groes a Iesu'n Marw

Cyfres DVD Stori Duw

Stori 46: Iesu'r Brenin

Cyfres Powerpoints Beibl Bach i Blant

Stori 55: Mul Bach i'r Brenin

Cwis a Chwilair

Llyfr Cwis Cynta i Ateb tud 348

Llyfrau Stori

Stori'r Pasg i Blant Bach
Stori'r Pasg
Rhywun Arbennig Iawn
Y Pasg Cyntaf

